



Sulinermik Inuussutissarsiqartut Kattuffiata

23'ssaannik ataatsimeersuarnera

2.-3. septembari 2021

Hotel Arctic, Ilulissat

Aalajangiinernik imaqarniliaq

Peqataasut allattorsimaffiat

Peqatigiiffeqarfiit

Qaanaaq
Upernavik
Upernavik
Uummanaq
Uummanaq
Ikerasak
Ilulissat
Ilulissat
Ilulissat
Qasigianguit
Qeqertarsuaq
Aasiaat
Aasiaat
Kangaatsiaq
Kangerlussuaq
Sisimiut
Sisimiut
Kangaamiut
Maniitsoq
Maniitsoq
Nuuk
Nuuk
Nuuk
Nuuk
Qeqertarsuatsiaat
Paamiut
Narsaq
Qaqortoq
Nanortalik
Tasiilaq
SIK-p Inuusuttai
SIK-p Inuusuttai

Aallartitat

Pouline Kleist
Lars Eskildsen
Kirstine Kleemann
Jokum Zeeb
Jørgen Abelsen
Laura Marcussen
Mette Marie Lennert
Elias Brandt
Panínguak Jerimiassen
Henny Hansen
Anda Kristiansen
Nikolaj Søholm
Nuunu Johansen
Karen Filemonsén
Pele-Knud Mathiessen
Jens Johansen
Helene Sofie Olsen
Ulrik Lyberth
Hans Heilmann
Ingeborg Jakobsen
Emma Junge Dalager
Henning Aqqa Kristensen
Mette Sofie Jørgensen
Qulutanguaq Berthelsen
Anda Nathanielsen
Debora Elisassen
Ane-Marie B. Kaspersen
Paornánguak J. Tittussen
Otto Lundblad
Vittus Sakæussen
Peter B. Mølgaard
Ane-Marie H. Jørgensen

(Peqataasut allattorsimaffiat, nangillugu)

Siulersuisuunerit

Jess G. Berthelsen (siulittaasoq)
Ludvig Larsen (siulittaasup tullia)
Else Jonna Villadsen
Sofie Svendsen
Elisabeth L. Hansen
Jørgen Vetterlain
Josef Therkildsen
Jakob G-Motzfeldt
Qujana Fleischer

1.– 4. Ataatsimeersuarnerup ammarneqarnera

Siulittaasup Jess G. Berthelsenip ataatsimeersuarnerup ammarnera nalunaarutigaa tikilluaqqusillunilu ataatsimeersuarnerup tamanut kiisalu SIK-mut ataqqinaammik ilaasortanut Pavia Langemut Jonas Fleischerimullu.

Siulittaasup kissaateqarneratigut SIK-mi suleqataasimasut kingullertigut toqqukut qimagsimasut, immikkullu taallugu siulersuisuunernut ilaasortaasimasoq Ane Skifte, minutsimi ataatsimi nipaallisimanikkut eqqaaniarneqarput.

Ammaanermi najuuttut uku oqaaseqarnissaannut periarfissinneqarput: Isumaginninnermut sulisoqarnermullu naalakkersuisoq Mimi Karlsen, partiip Siumup siulittaasua Erik Jensen aamma Avannaata Kommuniiani borgmesteri Palle Jerimiassen.

2.1. Aqutsisussamik toqqaaneq

Nukaraq Eugenius toqqaarneqarpoq.

3.1. Imaqarniliortussamik toqqaaneq

Svend Møller toqqaarneqarpoq.

3.2. Taasinernik kisitsisussanik toqqaaneq

SIK-p allattoqarfiani atorfillit uku taasinernik nakkutilliisussatut toqqaarneqarput: Inge-Marie Rosing, Inge Lennert aamma Tina L. Nielsen.

3.3. "Immikkoortortaqarfisialammik" toqqaaneq

Siulittaasup tullia Ludvig Larsenip nalunaarutigaa siunnersuutit arlallit akornanni marluk 2021-mi "Immikkoortortaqarfisialattut" toqqaarneqartut tassaasut **NSIP (Nuuk)** aamma **USIP (Upernavik)**. Toqqaanermi tunngaviupput taamatut toqqaasarnermi tunngavissiat ukiut tamaasa atuuttut.

4.1. Ullormut oqaluuserisassat akuerineqarnerat

Ullormut oqaluuserisassat saqqummiunneqarnermissut isikkoqartillugit *akuersisutigineqarput*.

5. Siulersuisuunerit nalunaarutaat

5.1. Siulersuisuunerit nalunaarutaata saqqummiunneqarnera

Siulersuisuunerit nalunaarutaat ataatsimeersuarnissaq qaammammik ataatsimik si-oqqullugu immikkoortortaqaarfinnut saqqummiunneqarsimasoq *siulittaasup* saqqummiuppaa nalunaarusiap imarisaanik eqikkaalluni.

5.2. Siulersuisuunerit nalunaarutaata oqallisigineqarnera

Oqaaseqarfiginnittunit pingaartumik makku maluginiarneqarput:

- Aatsitassarsiorneq aatsitassarsiornermillu isertitaasinnaasut, taakkunungalu atatillugu uranimut naaggaarlunnarneq.
- Ineqarnermut tapiissutit.
- Ineqarnermut akiliutinik nalimmassaanissaq – inissiat pisoqalisut akitsoralut-tuinnartarnerat.
- Suliffeerunnermi ikiorsiissutit.
- Isumaqaatigiinniarnarit politikikkut akuleruffigineqarnerat.
- Robotinik atuisinnaaneq isumaqaatigalugu assortorlugulu.
- Angallannermi isorliunerusut tikinneqakulanerunissaat, ilaasortanut tamanna sunniuteqartarmat.
- Suliffigissaanissaq, suliffiit nakerineeruttarnerat.

6. Naatsorsuutinik ilisimatitsissutitut saqqummiussineq

6.1. Naatsorsuutit kukkunerisukkat saqqummiunneqarneri

Siulittaasooq saqqummiussivoq. Suliumajunnaarnissamat illikartitat qanoq amerlatiginerannik kiisalu Organisationernes Hus P/S pillugu apeqqutit itisiliiffigineqatsiareer-mata ataatsimiinnermik *aqutsisoq* inerniliivoq *oqaluuserisassamat tulliuttumut inger-laqqittoqassasoq*.

7. Siunnersuutit tiguneqarsimasut oqaluuserineqarneri

7.1. SIK-p inatsisai pillugit allanngutissatut siunnersuutit

7.1.1. Siulersuisuunerit SIK-p inatsisaanut allannguutissatut siunnersuutaat

1) § 2. Oqaaseqatigiit ”Inunnik nunallu inoqqaavinik allanik ...” il.il. aalajangersakka-mit peerneqarput, ”nunani tamalaani” kattuffinnik suleqateqateqarnissap allassinissaa naammammat.

Ataatsimiinnermik aqutsisoq aperivoq kikkut allannguutissaq akerlerineraat – inerniliivorlu: Akerlerineqanngilaq, amerlanerussuteqartunit akuerineqarpoq.

- 2) **§ 3, imm. 3:** Aalajangersagaq nutaaq, ilaasortanut soraarninngorlutik suliunnaar-simasunut SIK-p ikiuuttarsinnaaneranut tunngasoq.

Aqutsisoq: Akuerineqarpoq.

- 3) **§ 4.** SIK-p aaqqissuussaanerani allannguut: "Klubbeqarneq" atorunnaassaaq. Tas-sunga taarsiullugu allanneqarpoq "Illoqarfinni nunaqarfinnilu immikkoortorta-qarfeqanngitsuni attaveqaatit".

Aqutsisoq: Akerlerineqanngilaq, taamalu akuerineqarpoq.

- 4) **§ 7, imm. 1:** Aalajangersakkamut ilassut, immikkoortortaqarfik 1000-it sinnerlugit ilaasortaqaalerpat kattuffiup ataatsimeersuarnerani 5-inik aallartitaqarsinnaasunngorlugu.

Siunnersuummut akerliusoqangaatsiartoq malunnarsimmat siulittaasoq nalunaarpoq tunuartikkusunneqartoq. Aqutsisoq: Siunnersuut peerneqarpoq.

- 5) **§ 8.** Nappaaneq ilanngunneqarpoq ataatsimeersuarnermi taaseriaatsit periarfissaasut taagorneqarneranni.

Aqutsisoq: Akuerineqarpoq.

- 6) **§ 9.** Ataatsimeersuarnermi ullormut oqaluuserisassani nr. 8 ima qulequtserneqarpoq: "Ukiuni tulliuuttuni marlunni ilaasortat kattuffimmut akiliutissaasa aalajangerneqarnerat". Taava ataatsimeersuarnerit marluk akornanni Nakkutilliisoqarfiup ataatsimiinnerani ataatsimeersuarnissap tulliuuttup tungaanut ukiuni marlunni ilaasortaanermut akiliutissat aalajangersarneqartassapput.

Aqutsisoq: Akuerineqarpoq.

- 7) **§ 15, imm. 4.** Una ilanngunneqarpoq: Immikkoortortaqarfiit aamma SIK-p Inuusuttaasa immikkut ittumik ataatsimeersuarnissaq kingusinnerpaamik qaammatinik marlunnik sioqqullugu SIK-p allattoqarfianut nalunaarutigissagaat kikkut aallartitatut toqqarsimanerlugit.

Aqutsisoq: Akuerineqarpoq.

- 8) § 16.** Ataatsimeersuarnerit marluk akornanni Nakkutilliisoqarfik ataasiarluni ataatsimiittassaaq. Malittarisassat maanna atuuttut malillugit ukiut tamaasa taamatut ataatsimiittoqartartussaavoq.

Jokum Zeeb aamma Jens Johansen kaammattuipput Nakkutilliisoqarfiup ukiut tamaasa ataatsimiittarnera attatiinnarneqaqqullugu kattuffiup ingerlanneqarneranut malinnaanissamut tamanna pingaaruteqarmat. Aqutsisoq aperivoq: Kikkut siunnersuummut akerliuppat? Arfinillit akerliupput. Kikkut siunnersuummut isumaqataappat? Aqutsisoq inerniliivoq: Amerlanerussuteqarluartut isumaqataapput. Siunnersuut akuerineqarpoq.

- 9) § 16.** Imaattoq ilanngunneqarpoq: "Ukiuni tulliuuttuni marlunni ilaasortat kattuffimmut akiliutissaat aalajangiiffigissallugit". Malittarisassani atuuttuni allassimaannarpoq Nakkutilliisoqarfik akiliutissanik aalajangiisassasoq.

Aqutsisoq: Akuerineqarpoq.

- 10) § 25.** Siulittaasoq siulersuisuunernut ilaajunnaarsillugu tunuartinneqarsinnaanerani aalajangersakkat nutaat ilanngunneqarput. Tunuartsisinnaanermik aalajangiisarfiusoq tassaalerpoq ataatsimeersuarneq. Malittarisassat maanna atuuttut naapertorlugit siulersuisuunerit siulittaasumik tunuartsinissamik aalajangiisinnaatitaagaluarpud.

Jens Johansenip siunnersuut paasinnginnerarpaa, ajunngikkaluarmat maannamut siulersuisuunerit tunuartsisinnaanerat. *Aqutsisoq aperivoq: Kikkut siunnersuummut akerliuppat? Pingasut akerliupput. Kikkut siunnersuummut isumaqataappat? Aqutsisoq inerniliivoq: Amerlanerussuteqarluartut isumaqataapput. Siunnersuut akuerineqarpoq.*

- 11) § 31.** Siunnersuut naapertorlugu – siulersuisuunerit inassuteqarneratigut – immikkoortortaqarfimmi siulersuisut tunuartinneqarsinnaappud SIK-p inatsisaanik unioqqutitsisimappata. Malittarisassat maanna atuuttut malillugit immikkoortortaqarfik kattuffimmut ilaasortaajunnaarsitaasinnaavoq, imaappoq tunuartinneqarsinnaavoq. Siulersuisut tunuartinneqarpata siulersuisussanik nutaanik qinersisoqassaaq immikkoortortaqarfiup immikkut ittumik ataatsimeersuarnerani.

Sisamat akerliullutik oqaaseqarput. Aqutsisoq aperivoq: Kikkut siunnersuummut akerliuppat? 25-t akerliupput. Kikkut siunnersuummut isumaqataappat? 13-it isumaqataapput. Pingasut taaseqataangillat. Aqutsisoq inerniliivoq: Siunnersuut itigartinneqarpoq.

12) § 34, imm. 2: Immikkoortorta qarfiup sunik suliassa qarneranik aalajangersagaq nutaaq erseqqinnerusoq.

Aqutsisoq inerniliivoq: Siunnersuut akuerineqarpoq.

13) § 35: Nuna qarfinni illo qarfinnilu immikkoortorta qarfeqanngitsuni attaveqaatinik toqqaanissamik aalajangersagaq nutaaq. Taamaalillutik attaveqaatit kattuffiup ingerlanne qarnerani tunngaviusunut ilanngupput, "klubbe qarneq" atorunnaar-mat.

Aqutsisoq inerniliivoq: Siunnersuut akuerineqarpoq.

14) § 36, imm. 4: SIK-p Inuusuttai pillugit aalajangersakkat ilassutaat. SIK-p allatto qarfiata SIK-p Inuusuttaanut tunngatillugu isumagisassai erseqqissarneqarput.

Aqutsisoq inerniliivoq: Siunnersuut akuerineqarpoq.

15) § 37, imm 4: Isuma qatigiinniartarnernut tunngatillugu aalajangersagaq nutaaq. Aalajangersarneqarpoq kattuffimmi Ulluinnarni aqutsisut sumiiffimmi suliffeqar-fimmik isuma qatiginninniaaraangata sumiiffimmi kattuffiup immikkoortorta qarfia peqatiserineqartassasoq. Taamaappat taava assersuutigalugu NSIP peqatiserine-qartassaaq Nuup Bussiinik isuma qatigiissut pillugu isuma qatigiinniartoqartussanngorpat, taamatullu SIP Ilulissat peqatiserineqartassalluni Halibut Greenland isuma qatiginiarneqartussanngorpat.

Erseqqissaataasumik apeqquteqarto qarnerata kingornatigut aqutsisoq inerni-liivoq: Siunnersuut akuerineqarpoq.

16) § 38, imm. 2: Aalajangersarneqarpoq Ilaasortat illo qarfinni nuna qarfinnilu immik-koortorta qarfeqanngitsuni najugaqartut akiliutissaat immikkoortorta qarfimmit qaninnermit aalajangersarneqartassasut, akiliutit tamarmiusut ilaat sumiiffinni suliniutinut atorneqartussat eqqarsaatigalugit. Ilaasortaanermut akiliutit ilaat taakku immikkoortorta qarfiup qaninnerup pissarai, akiliutillu sinneri kattuffiup pissaralugit.

Aqutsisoq inerniliivoq: Siunnersuut akuerineqarpoq.

17) § 38, imm. 4: Ilaasortaanermut akiliutit qanoq akilerneqartarnissaannik aalaja-ngersakkap oqaasertalerneqarnera allannguuteqarpoq. Aallaavisoq tassaassaaq ilaasortaanermut akiliutit PBS-ikkoortumik akilerneqartarnissaat. Sulisitsisulli suli-sullu isuma qatigiissutigisinnaavaat akissarsianik ilanngaanikkut ilaasortaanermut akiliutit akilerneqartassasut.

Aqutsisoq inerniliivoq: Siunnersuut akuerineqarpoq.

18) § 41: Aalajangersarneqarpoq immikkoortortaqaarfii SIK-p allattoqarfianit naatsorsuuserissunneqassasut. Maannamut tamanna SIK-p malittarisassaani allassimangikkaluarpoq, immikkoortortaqaarfiilli malittarisassaanni nalinginnaasuni allasimalluni.

Jens Johansen akerliuvoq peqatigiiffiit namminneq ingerlatsisinnaanerannut akulerunnertut taallugu. Oqaaseqartut allat isumaqataapput aaqquissuussinerup ilu-aqutaasimanera innersuussutigalugu. *Aqutsisoq aperivoq: Kikkut siunnersuummut akerliuppat? Pingasut akerliupput. Oqaatigaalu amerlanerussuteqarluartut isumaqataasut. Kikkut taaseqataaangillat? Sisamat taaseqataaangillat. Aqutsisoq inerniliivoq: Siunnersuut akuerineqarpoq.*

19) § 42, imm. 3: Aalajangersagaq nutaaq, tassa siulersuisuunerit ukiorpassuarni ilaasortaasimallutik sulionnaartunik ataqqinaammik ilaasortanngortitsisinnaasut.

Aqutsisoq inerniliivoq: Siunnersuut akuerineqarpoq.

7.1.2. SIP Asiaat: Ataqqinaammik ilaasortap SIK-p inatsisaani allasimalernissaa

Siunnersuut paaseqatigiinnikkut qaangiinnarneqarpoq.

Siunnersuutit tulliuuttut marluk ataatsimoortillugit imminnut naleqqiuttarlugit oqaluuserineqarput:

7.1.3. SIP Asiaat: §7-ip allanngortinneqarnissaanik siunnersuut, imaalillugu ilaasortaqaassuseq aallaaviginagu ataatsimeersuarnernut marlunnik aallartitaqartalernissaq

Nuunu Johansen saqqummiussivoq, qanoq ilaasortaqaartigineq apeqqutaatinnagu peqatigiiffiit tamarmik aalajangersimasumik marlunnik aallartitaqartalernissaat ataatsimoornermut nukittorsaataassasoq tunngavilersuutigalugu.

7.1.4. SIP Nuuk: §7-imi SIK-p ataatsimeersuarneranut aallartitat amerlassusissaattut aalajangersakkat ilaneqarnissaanik siunnersuut

Mette Sofie Jørgensen saqqummiussivoq aallartitanik amerlassusiliinissamut siunnersuummik 1-imit 5-imut nikeriarfilimmik, immikkoortortaqaarfik 1000-inik ilaasortaqaalersimaguni tallimanik aallartitaqarsinnaanngorlugu.

Siunnersuutit qulaani taaneqartut pitsaaqutigisinnaasaat ajoqutigisinnaasaallu nalilersorneqarput, illua'tungaatigut naligiissumik pinissaq illua'tungaatigullu ilaasortaqaarnerulernissamik suliniuteqarnissamut kajumissaarinnissaq tunngavilersuutigineqarlutik.

Aqutsisoq taasisitsivoq ima inerneqartumik:

Aasiannit siunnersuut

Akerliusut 23

Isumaqataasut 9

Taaseqataaangitsut 9

Nuummit siunnersuut

Akerliusut 29

Isumaqataasut 9

Taaseqataaangitsut 3

Aqutsisoq inernilliivoq siunnersuutit tamarmik itigartinneqartut, taamalu aalajangersakkat maannamut atuuttut atuutiinnassasut.

**7.1.5. SIP Uummanaq: §7-ip allangortinneqarnissaanik siunnersuut, imaalillugu ataatsimeersuarnermut aallartitassat amerlassusissaat naatsorsorneqartassaaq qaammatini kingullerni 12-
ini ukiumi naatsorsuuteqarfimmi aagguaqatigiissitsinikkut aalajangerneqarluni**

Jokum Zeeb saqqummiussivoq ilaatigut tunngavilersuutigalugu massakkut ilaasortanik kisitseriaatsip atorineqartup pingaartumik immikkoortortaqaarfiit minnerit ilaasortaqaassusiannik takussutissiilluartannginnera.

Siulersuisuunerit inassutigaat siunnersuut itigartinneqassasoq, massakkut kisitseriaatsip naapertuilluarnerunera innersuussutigalugu. Aqutsisoq taasisitsivoq: Akerliusut 21, isumaqataasut 12, taaseqataaangitsut 8. Siunnersuut itigartinneqarpoq.

7.1.6. SIP Ilulissat aamma SIK-p Inuusuttai: §10 imm. 4-p peerneqarnissaanik siunnersuut

Panínguak Jerimiassen, SIP Ilulissat, aamma Ane-Marie H. Jørgensen, SIK-p Inuusuttai, saqqummiussippot siunnersuutigalugu SIK-p siulittaasussaatur qinigassanngortinnermi kingusinnerpaamik qaammatinik pingasunik sioqqutsisumik nalunaaruteqarnissamik aalajangersagaq peerneqassasoq.

Tunngavilersuutigineqarpoq kialuunniit SIK-mut ilaasortap ataatsimeersuarnermut peqataasup ullormi qinersiviusussami siulittaasussatur qinigassanngortissinnaasari-aqarnera, soorlumi aamma siulersuisuunernut ilaasortassanik qinersisarnermi tamanna periarfissaasoq.

Tamanna oqallinnermi ilaatigut isumaqatigineqarpoq ilaatigullu isumaqatigineqarani. Isumaqataaangitsut qaammatinik pingasunik siumoortumik nalunaaruteqartarnissamik aqqissuussineq ajorinngilaat, pingaartumik siulittaasussarsiorneq pineqartillugu piareersarluarsinnaanissaq tusarniaasinnaanissarlu pingaaruteqarmata.

Siulittaasup Jess G. Berthelsenip naaperiarfissaasinnaasutut taavaa piffissap siumoortumik nalunaarutiginniffissap sivikillineqarsinnaanera qaammatinut marlunnut imaluunniit qaammammut ataatsimut. Else Jonna Villadsen, SIP Ilulissat, kissaateqarpoq oqaluuserisassanngortitartik aalajangiiffiqineqassasoq, taamaalivorlu.

Aqutsisoq taasisitsivoq: Akerliusut 17, isumaqataasut 15, taaseqataangitsut 8. Siunnersuut itigartinneqarpoq.

7.1.7. SIP Ilulissat: §26 imm. 1-ip allangortinneqarnissaanik siunnersuut

Panínguak Jerimiassen saqqummiussivoq siunnersuutigalugu siulittaasup tullia siulittaasutulli Nuummi najugaqarnissaanik aalajangersagaq atorunnaarsillugu nunat-sinni sumiluunniit najugaqarsinnaanera ammaanneqassasoq.

Elisabeth L. Hansenip siulersuisuunerit sinnerlugit oqaaseqarnermini tamanna isumaqatiginnginnerarpaa, tassa misilittakkat naapertorlugit siulittaasup siulittaasullu tullia nunaqqatigiinnissaat pitsaanerpaamat, soorlu pisariaqalerfiatigut ataatsimii-giarfissaminni taartigeeriataarsinnaanerat eqqarsaatigalugu.

Aqutsisoq taasisitsivoq: Akerliusut amerlanerussuteqarluarput, isumaqataasut 4. Siunnersuut itigartinneqarpoq.

7.1.8. SIP Nuuk: §37, suliffeqarfinnut ataasiakkaanut isumaqatigiinniarnermi immikkoortortarfiup qaninnerusup suleqatigineqartarnissaa pillugu siunnersuut

Siulersuisuunerit malittarisassanut allanguutissanik siunnersutaasa sammineqarneranni tamanna akuersaarneqareerpoq.

7.1.9. SIP Maniitsoq: SIK-p inatsisaani allaqqasut ima "Immikkoortortaqarfiit" iluarsineqarnissaannik siunnersuut ima allaqqalerlutik: "Peqatigiiffiit"

Hans Heilmann saqqummiussivoq tunngavilersuutigalugu pineqartut tassaammata peqatigiiffiit, SIP-t, imaappoq sulinerimik inuussutissarsiuteqartut peqatigiiffii, taamaakkaluartoq taagorneqartut immikkoortortaqarfinnik. Tamanna iluarsillaqunarpoq eqqortumik, tassa peqatigiiffinnik, taaneqartassallutik.

Siulittaasup tullia Ludvig Larsenip siulersuisuunerit sinnerlugit ilumoornerarpaa SIP-t peqatigiiffiummata, tamatumali peqatigisaanik kattuffimmut immikkoortortaallutik. Aammami taaguut "immikkoortortaqarfik" GAS/SIK-mi kattuffilerinermi taaguutitut aallaqqammulli atorneqarsimavoq. Taamaattumik siunnersuut taama iluseqartillugu akuerineqassangitsaq inassutigaa.

SIP Maniitsumit siunnersuut oqaaseqarfigineqareermat aqutsisoq taasisitsivoq: Akerliusut 16, isumaqataasut 22, taaseqataangitsut 3. Siunnersuut akuerineqarpoq.

7.2. Oqaluuserisassanut isumaqatigiinniartarnut tunngasut

7.2.1. Siulersuisuunerit: SIK-mi ilaasortat ilinniarsimasut kattuffinnut allanut nuuttarnerat unitsinniarlugu isumaqatigiissutitigut iliuusissatut siunnersuut

Siulittaasoq Jess G. Berthelsen saqqummiussivoq, marlutsigullu iliuuseqartoqarnissaa inassutigalugu: 1) Isumaqatigiinniartarni ilinniarsimasunut annerusumik illuartit-sisoqartassasoq, aamma 2) Sulingiffeqarluni angalanissamut aningaasaliisarnerit nu-taamik aaqqissuunneqassasut.

Siulersuisuunerit saqqummiussaar oqaaseqartunit tamanit tapersorneqarpoq, aqutsisorlu inerniliivoq: Siunnersuut akuerineqarpoq.

7.2.2. SIP Aasiaat: Ilaasortat kisiisa isumaqatigiinniunneqartalernissaat anguniagassatut siunnersuut

Nuunu Johansen saqqummiussivoq tunngavilersuutigalugu SIK-p ulluinnarni nukiit annertuut atortariaqartarai allaat sulisut ilaasortaangitsut akissarsiaasa qaffannissaat anguniarlugu. Assersuutigalugu ilaasortat nalunaaquttap-akunneranut akissarsiaasa ilaasortaangitsut akissarsiaannit qaffasinnerulaartillugilluunniit aaqqin-neqarsinnaasariaqaraluarput.

Siulersuisuunerit sinnerlugit Sofie Svendsen eqqarsaammur tapersersuivoq. Aqutsisorlu inerniliivoq tamanna amerlanerussuteqarluartunit isumaqatigineqartoq.

7.2.3. SIP Aasiaat: SIK-p isumaqatigiinniarni SISA-mut akiliutip qaffanneqartarnerata unitsinneqarnissaa pillugu siunnersuut

Qujana Fleischer siunnersuummik saqqummiussivoq SIK-mut ilaasortat kisimik akissaatitigut qaffasinnerusumik isumaqatigiissuteqarfigineqartarnissaat tunngavilersuutigalugu.

Jess G. Berthelsen siulersuisuunerit sinnerlugit nassuiaateqarpoq soraarnerussutisiasanik aningaasaateqarfiup SISA-p aningaasalersorneqarnerata qanoq aaqqissugaanerani. Taamaattumillu siunnersuutigineqartut avissartitsinissaq itigartinneqassasoq inassutigaa. Oqaaseqartullu arlallit aamma akuersaangillat.

Aqutsisoq inerniliivoq SIP Aasiannit siunnersuut amerlanerussuteqarluartut akerlerigaat.

7.3. Oqaluuserisassat assigiinngitsunut sammivillit

7.3.1. SIP Aasiaat: *Sulinngiffeqartarneq pillugu inatsisip sap. ak. tallimaniit arfinilinngorlugu allanngortinneqarnissaa pillugu anguniagassatut siunnersuut*

Andrea Inûsugtok saqqummiussivoq, oqarluni tamanna anguniarneqartariaqartoq, innersuussutigalugu soorlu perorsaasut kattuffiannut NPK-mut ilaasortat feeris-saqarnerusartut saniatigullu allanik ajunngitsorsiassaqartinneqartarlutik.

Jørgen Vetterlainip siulersuisuunernit inassutigaa suliassaq politikikkut sulissutigisassatut tiguneqassasoq. Siulittaasullu kajumissaarutigaa ataatsimeersuaqataasut tamanna soorlu partiit attavigisatig aqutigalugit sunniiniutigissagaat.

Aqutsisoq inerniliivoq siunnersuut politikikkut suliniutissatut tiguneqartoq.

7.3.2. SIP Qeqertarsuaq: *SIK-mut ilaasortat utoqqalillutik suliunnaarsimasut SIK-mut attuumasuteqartuaannarnissaannik oqallissaarut*

Anda Kristiansenip periarfissatut taavai soraarninngorsimasut SIK-p utoqqartaasut klubbiliunneqarsinnaanerit imaluunniit allatut aqqissuussamik SIK-mut attuumasuteqartuaannarnissaannut aqqissuussiffiqeqarsinnaanerit, ilaasortaajunnaarsiinnarnagit.

Else Jonna Villadsenip siulersuisuunerit sinnerlugit ilisimatitsissutigaa ilaasortat utoqqalinersiuteqalersimasut SIK-mit eqqumaffiqeqarnissaat malittarisassani nutaani aalajangersagaliornikkut ilanngunneqareersoq.

Aqutsisoq inerniliivoq SIP Qeqertarsuarmut eqqarsaat ilalerneqartoq siulersuisuunernit ingerlateqqitassatut.

7.3.3. SIP Qeqertarsuaq: *Isumaginninnermik Aningaasaateqarfiup ilivissanut aningaasaliissuteqartalernissaannik siunnersuut*

Anda Kristiansen oqarpoq illoqarfigisami ilivissarsiutileqatigiit ilaasortaasinnaasunik arsaartorniannikkaluarlugit qanigisap ilerranut qinnuteqarsinnaaneq periarfissatut misissortikkusunnartoq, tassa SIK-mut ilaasortat ilaat ilivissarsiutileqatigiinnut ilaasortaasannngimmata.

Qujana Fleischerip siulersuisuunerit sinnerlugit eqqarsaat ilalernartuutippaa, ilivissarsiutileqatigiinnut suleqatigiissutissaqqitsillugu. Mette Sofie Jørgensenip akerleraa peqatigiiffinnut allanut akulerunnerussanerarlugu. Hans Heilmannip ilivissarsiutileqatigiinnut ilaasortanngornissaq kajumissaarutigiinnarumavaa. Oqaaseqartulli allat ilalliipput periarfissat tamaasa ammatillugit eqqarsaatip suleqatigiissutissatut ingerlateqqinneqarnissaanut.

Aqutsisoq inerniliivoq siunnersuut ilalerneqartoq, mianersoqqussutitaqartorli.

7.3.4. SIP Uummannaq: Suliffeerunnermut Aningaasaateqarfimmik pilersitsisoqarnissaa pillugu siunnersuut

Jokum Zeeb saqqummiussivoq, siunertarineqartoq tassaasoq SIK-mut ilaasortat suliffeerunnerisa nalaanni akissarsianut annaasanut naapertuuttumik matussutissiarsatussamik aningaasaateqarfimmik pilersitsinissaq.

Josef Therkildsenip siulersuisuunerit sinnerlugit oqaaseqarnermini isuma politikikkikut sulissutigisassatut iluatinnarnerarpaa, soorunami isumaqatigiissutit atuuttut avataasigut pilersinniagassatut.

Oqaaseqartunit marlunnit aammattaaq sulissutigisassatut ilalerneqarpoq. Siulittaasorli Jess G. Berthelsen nalornilernerarpoq suliffeerunnermi ikiorsiissutinik maannakkut aaqqissuussinermit pitsanngorsarniarneqartumut atatillugu isummerfigisassat arlaqarmata, taamalu inassutigaa SIP Uummannamit siunnersuut maanna akuerineqassanngitsoq.

Aqutsisoq inerniliivoq siunnersuut amerlanerussuteqarluartunit akuersaarneqanngitsoq.

7.3.5. SIP Kangaatsiaq: Suliffeerunnerup nalaani ikiorsiissutini napparsimanermi ullut pingasut ataakkaanni ikiorsiissutisisinnaasannginneq atorunnaarsinneqartariaqarpoq. Aamma tapiissutip angissusia akissarsianut nalimmassarneqartariaqarpoq

Karen Filemosen saqqummiussivoq suliffeerunnermi ikiorsiissutinik aaqqissuussinerup aaqqissuuteqqinneqarnissaanik suliniuteqarnissaq kaammattuutigalugu.

Elisabeth L. Hansenip taamatut suliniuteqarnissaq siulersuisuunernit isumaqatigineqarluinnartoq oqaatigaa, eqqaallugulu Siumup siulittaasuata ataatsimeersuarnerup aallartinnerani oqaaseqarnermini aamma tamanna sulissutiginiarlugu nalunaarutigigaa.

Aqutsisoq inerniliivoq tamanna siulersuisuunernit suliassatut tiguneqartoq.

7.3.6. Siulersuisuunerit: Nunatsinni uranitalinnik qaqutigootunik aatsitassarsiorniarnert pillugit SIK-p isumaata ersarissuunissaa pillugu aalajangiussassatut siunnersuut

Siulittaasup tullia Ludvig Larsenip isummiussassatut siunnersuut tunngavilersuutilik imaattoq saqqummiuppaa:

”Aatsitassanik qaqtigoortunik aatsitassarsiorniarnert SIK-p tapersorsorpai, saniatigut tunisassiassatut uranitaqarpata uranitaqanngippataluunniit. Taamatut SIK-p aatsitassanik qaqtigoortunik aatsitassarsiornernut tapersersuineranut naqissuserlugu erseqqissaatigineqassaaq pinngortitamut avatangiisillu eqqarsaatigalugit illersorneqarsinnaassamat, aammalu sulisartut peqqinnissaat suliffiannilu isumannaallisaneq salliutinneqassalluni.”

Isummiussassatut siunnersuutip oqallisigineqarnerani aatsitassarsiornermi sulisut avatangiisillu illersorneqarnissaat pingaartillugu taakkartorneqarpoq. Anda Nathanielsen aamma Paornáguak J. Tittussen isummiussassatut siunnersuummut isumaqataanatik oqaaseqarput.

Aqutsisoq taasisitsivoq: Akerliusut 3, isumaqataasut 27, taaseqataanngitsut 11. Isummiussassatut siunnersuut akuerineqarpoq.

8. Ilaasortaanermut akiliut

8.1. SIP Nuuk: §38, ilaasortaanermut akiliutip nalimmassarneqariartuaarnissaa pillugu oqallisissiaq

Henning Aqqa Kristensen siunnersuummik saqqummiussivoq kommunip ataatsip iluani ilaasortaanermut akiliutinik assigiinngitsunik takussutissiilluni. Immikkoortortaqrarfiit namminneq akiliutinik aalajangersaasinnaanerat ataqqillugu ataatsimeersuaqqinnissap tungaanut ukiuni tulliuttuni sisamani nalimmassaanissaq kaammattuutigaa, tamanna ilaasortanut pitsaassamat, aammami ilaasortaanermut atugassarititaasut assigiimmata.

Jakob G-Motzfeldtip siulersuisuunerit sinnerlugit tusarusuppaa allat siunnersuummut qanoq isumaqarnersut, aammami siulersuisuunerit akiliutit qanoq nalimmassarneqarnissaannut suleqatigiissitamik pilersitsinissartik eqqarsaatigimmassuk.

Panínguak Jerimiassenip akiliutinik nalimmassaanerup ingerlaannangikkaluamik kisianni naapititsiartuaarnikkut pinissaa kaammattuutiga. Oqaaseqartut allat tamarmik siunnersuut akuersaanngilaat, peqatigiiffiit namminneq aalajangersaasinnaatitaanerit innersuussutigalugu.

Aqutsisoq taasisitsivoq: Akerliusut 26, isumaqataasut 10, taaseqataanngitsut 5. Siunnersuut itigartinneqarpoq.

8.2. Siulersuisuunerit: Ilaasortat ukiunut tulliuttunut marlunnut akiliutissaannik aalajangersaanissamut siunnersuut

Jess G. Berthelsen siulersuisuunerit sinnerlugu saqqummiussisuuvoq.

Siunnersuutip ilaa una oqallisigineqarneruvoq:

- Ilaasortaanermut akiliutip ilaa kattuffiup pisassaa ilaasortamut ataatsimut qaammammut 150 kr.-iugaluartoq 165 kr.-inut qaffanneqassasoq, tamannalu atuutisassasoq 1. aprili 2022-mit (siunnersuutigineqaaqqaartumit qaammatinik pingasunik kingusinnerusukkut, peqatiigiiffiit piareersarnissaminut piffissaqarluarnerooqqlugit).

Taanna aqutsisup taasisitsissutigaa: Akerliusut 7, isumaqataasut 25, taaseqataangitsut 9. Siunnersuut akuerineqarpoq.

Siunnersuutip ilai uku nalinginnaasumik *tapersorsorneqarput*:

- Ilaasortat ilaat uku affarmik akiliuteqartassasut: a) suliffissaaleqisut, b) piffissap ilaannaani sulisut aamma c) ilinniagaqartut.
- Ilaasortat ilaat uku ¼-mik akiliuteqartassasut: Soraarnerussutisiallit.

Siunnersuutip ilaa alla, tassa siulersuisuunerit suleqatigiissitaliussasut nuna tamakkerlugu assigiimmik akiliuteqartalernissap qanoq piviusunngortinneqarsinnaaneranik siunnersuusiortussamik, *oqaaseqarfigineqanngilaq.*

9. Siulersuisuunissanik qinersineq

9.1. Siulittaasooq

Aqutsisup oqaatigaa siulittaasumut qinigassanngortinnissamut kingusinnerpaamik piffissaliussaag nalliummat qinigassanngortittoq ataaseq nalunaarsimasooq, tassa *Jess G. Berthelsen*. Taamaalilluni qinigaavoq.

9.2. Siulittaasup tullia

<i>Qinigassanngortittut</i>	<i>Taasisut</i>
Ludvig Larsen	15
Jørgen Vetterlain	1
Jokum Zeeb	25

Taamaalilluni *Jokum Zeeb* siulittaasup tulliatut qinigaavoq.

9.3. Siulersuisuunernut ilaasortat 7-it

<i>Qinigassanngortittut</i>	<i>Taasisut</i>
Ludvig Larsen	21
Jørgen Vetterlain	5
Peter B. Mølgaard	16
Sofie Svendsen	26
Elisabeth L. Hansen	6

Qujana Fleischer	5
Josef Therkildsen	10
Else Jonna Villadsen	28
Jakob G-Motzfeldt	9
Anda Nathanielsen	9
Emma Junge Dalager	7
Ane-Marie H. Jørgensen	9
Qulutannguaq Berthelsen	18
Hans Heilmann	10
Ulrik Lyberth	11
Pele-Knud Mathiessen	15
Nuunu Johansen	19
Anda Kristiansen	11
Henny Hansen	9
Panínguak Jerimiassen	7
Jørgen Abelsen	7
Lars Eskildsen	13
Pouline Kleist	8
Mette Marie Lennert	8

Taamaalillutik siulersuisuunernut ilaasortanngorput taaneqarnerpaat arfineq-marluk uku: *Else Jonna Villadsen, Sofie Svendsen, Ludvig Larsen, Nuunu Johansen, Qulutannguaq Berthelsen, Peter B. Mølgaard* aamma *Pele-Knud Mathiessen*.

9.4. Siulersuisuunernut ilaasortat sinniisussa 5-it

Sinniisussanngorput taaneqarnerpaat tullii tallimat uku: 1. *Lars Eskildsen*, 2. *Anda Kristiansen*, 3. *Ulrik Lyberth*, 4. *Josef Therkildsen* aamma 5. *Hans Heilmann*. Taasisimik-kut amerlaqatigiittut tulleriinneri makitsinikkut aalajangerneqarput.

10. Kukkunersiuusumik akuerisaasumik toqqaaneq

Ri Statsautoriseret Revisionsaktieselskab toqqarneqarpoq.

11. Taasariaqartut allat

Aalajangiiffigisassanik saqqummiussisoqanngilaq.

Atsiornerit:

Ataatsimeersuarnermi aqutsisoq



Nukaraq Eugeniús

Ulloq 22. septembari 2021

Imaqarniliortoq



Svend Møller

Ulloq 22. septembari 2021